

(7) Dextram seu potentiam Dei, & protegentem & prosernentem, veneremur devotè.

USUS E VERSU VIII.

(1) Custodia adversus pericula ac hostes unicè à Deo imperanda. Frustra invocatur custos angelus, nisi munus hoc à Deo demandetur ipsi : Psal. XC1, II. Frustra murimus arces ac præsidia, frustra conscribimus exercitus, nisi annuat his ipsis Dominus : Psalm. CXXVII, I. seq.

(2) Oculorum pretium est inestimabile.

(3) Oculorum tamen suorum modò suos defendit Dominus : Deut. XXXII, 10. ita ut palpebris mox obdutis omnes prohibeantur pulvisciuli ; imò cum oculis planè videtur concussus, patet tamen, mirabiliter ipsum adhuc esse salvum ; qualis protectio patuit in Josepho, Davide, Mose, Jona, aliisque.

(4) Occultantur pii sub divinis alis benignissimè, promissimè, securissimè, modò alas non despiciant ipsi : Matth. XXIII, 37. Ps. XXXVI, 8. LVII, 2. Luc. VII, 30.

USUS E VERSU IX.

(1) Impiorum commune studium est devastare fidèles animas : nocent ipsis famæ, facultatibus, familiis, conscientiis, &c. Sed ve vastatoribus hujusmodi, idem mox experientur ipsis aliunde : Jes. XXI, 2. XXXIII, 1.

(2) Copia adversantium, etiam circumvallent nos undique, turbare tamen haut debet nostram in Deo fiduciam : Psalm. XXVII, 2. seq.

USUS E VERSU X.

(1) Felicitas secularis nimium periculosa, ex obestate suffocantur non pauci ; pericula effugere nequeunt &c.

(2) Orandum igitur tam contra superflua, quam contra indigentiam : Prov. XXX, 8.

(3) Exitialis est Elatorum gloriatio, jaqtantia, contemptus aliorum, comminatio fastuosa, &c. vid. II. V. & VIII. præcept.

(4) Securissimè hac talia deferimus cum Hiskia ad iustissimum vindicem, Deum : Jes. XXXVII, 14. seqq.

USUS E VERSU XI.

(1) Gressus, vel actiones nostræ, ubi vis insidiosè observantur à demonibus, quandoque etiam ab ipsis mancipiis, hominibus pravis. Cautione igitur & oratione opus est continua : I. Pet. V, 7.

(2) Visu tuo ne abutaris ad officiendum aliis, potius respice fauiciatum opus tue indigum : Luc. X, 33.

(3) Ne prostreras illum, sed prostratos potius elevere allabores : Gal. VI, 1. & seq.

USUS E VERSU XII.

(1) Discendum etiam à brutis : Jes. I, 3. Jer. VIII, 7. seqq. Psal. XXXII, 9. Matth. VI, 26.

(2) Assimilemur iis, non quoad vitia, (ut sunt leonina rapacitas, sanguinolentia, astutia, &c.) sed quoad

A laudabilia, ut sunt leonis animositas imperterrita, commiseratio erga debiles, &c.

(3) Cavenda sunt infidie, studendumque candori in genuo, columbine simplicitati : Matth. X, 16.

USUS E VERSU XIII.

(1) Compellare Deum, ut surgat, suamque evidenter rursus exerat justitiam ac robur, non displaceat Deo, si proficiatur ex fide gloriaque divina amore. L. Preces.

(2) Ut huius hostis cuncta videatur præoccupasse effugia adhuc tamen eundem præoccupare potest Dominus, consilia confundere, animum adimere, &c.

(3) Prosternit humiliatque Deus tempestivè, mirabiliter, multipliciter, irreparabiliter ; docent id exempla Pharaonis, Exod. XIV, 22. Saulis i. Sam. XXXI, 4. Herodis Actor. XII, 9. &c.

(4) Exitium hostium sub ea semper conditione preciamur, si sint incorrigibiles, si horam hanc decreverit Deus, si ecclesiæ salus aliter impetrari nequeat.

(5) Ereptionem animæ committamus Patri cœlesti, quando, ubi & quomodo hanc procurari velit, modò eadem evadat.

B de ira divina, ejusdem effectibus, seu pénis.

USUS E VERSU XIV.

(1) Homines, præsenti solum seculō dediti, parumque de futuris solliciti, præsentissimis versantur semper in periculis. Jam tempus probationis & certaminis ; hoc si malè impensum fuerit, sequetur tempus vel faustæ vel infelicitissime retributionis.

(2) Portionem tuam ne præripias in hacce vita : Luc. XVI, 25.

(3) Repletione ventris multi invitantur ad refipientiam, ut datorem adeò largum agnoscant, &c. Rom. II, 4. Hoti excutiant, tolluntur in altum, ut lapsu graviore ruant.

(4) Fecunditas matrimonii inter peculiaria Dei beneficia refertur merito.

(5) His ipsis prospicere thesaurosve relinquere, in se illicitum non est, imò certò modò præceptum : I. Tim. V, 8. 2. Cor. XII, 14.

(6) Ne venter sit tuus Deus : Phil. III, 19. Ezech. XIII, 19.

(7) Felicitate mundanorum ne offendamur. vid. Psal. XXXVII, & LXXXIII.

C

USUS E VERSU XV.

(1) Pii presentia parum curant, futuris precipue intenti. 2. Cor. IV, 18. Col. III, 1. Phil. III, 20.

(2) Visio beatifica bonorum omnium maximum & ultimum : I. Cor. XIII, 12. 13. I. Joh. III, 2.

(3) Presentia animam haud exsantant ; satiabitur demum è morte evigilantes.

(4) Imago Dei perdita plenè restaurabitur in resurrectione gloriosa. L. de vita æterna & de imagine divina. Psalm. XVI, II. 2. Cor. IV, 17.

PSALMI XVIII. DISPOSITIO.

Liberator potens. Deus petra. Defensus laudat.

I. Nscriptio ostendit Psalmi (1) autorem, qui ratione dignitatis est servus Domini, ratione nominis proprii, David. (2) Numen, cuius honori consecratus hicce hymnus seu canticum,

est Jehova. (3) Scriptum ipsum vocatur Schira, canticum. (4) Causa conscriptionis, ut & simul tempus : erexit à cunctis inimicis, præcipue è manu Saul : v. I.

K 3

II. Enco-